

ORDENANZA FISCAL Nº 18

Ordenanza Fiscal Reguladora da Taxa pola Retirada de Vehículos da Vía Pública e Depósito dos mesmos e Inmobilización dos Estacionados Antirreglamentariamente sen perturbar gravemente a Circulación

Artigo 1º. - Fundamento e natureza.

En uso das facultades concedidas polos artigos 133.2 e 142 da Constitución e polo artigo 106 da Lei 7/1985 de 2 de abril, reguladora das bases de réxime local, e de conformidade cos artigos 15 e 19 do Real decreto lexislativo 2/2004, de 5 de marzo, o Concello de Cambre establece a “taxa pola retirada de vehículos da vía pública ou terreos adxacentes e o almacenamento dos mesmos, así como a inmobilización dos estacionados antirreglamentariamente sen perturbar gravemente a circulación”, de acordo co previsto no artigo 57 do Real decreto lexislativo 2/2004, de 5 de marzo.

Artigo 2º. - Feito imponible e obriga de contribuír.

1. Constitúe o feito imponible da presente exacción, a prestación do servizo de recepción obrigatoria de retirada, traslado e almacenaxe de vehículos que se encontren na vía pública e terrenos adxacentes, así como a inmobilización daqueles que se atopen estacionados de forma antirreglamentaria sen perturbar gravemente a circulación. A retirada, traslado e almacenaxe de vehículos producirase nos casos previstos na lexislación vixente e en concreto:

- a) Cando o requiran as autoridades xudiciais e administrativas.
- b) Cando o vehículo se atope en estado de abandono.
- c) Cando o vehículo se atope estacionado na vía pública de modo que perturbe, entorpeza ou obstaculice a circulación da mesma.
- d) Cando o vehículo sexa inmobilizado polos axentes da autoridade e transcorran máis de 24 horas sen que o conductor ou propietario proceda a subsana-las deficiencias e a retira-lo mesmo.

2. A obriga de contribuír nacerá, devengándose a taxa, no momento en que interveñan os axentes municipais co fin de retirar, trasladar ou inmobilizar os vehículos.

Na modalidade de depósito, devengarase a taxa e nace a obriga de contribuír desde que o vehículo chega ó local destinado ó seu depósito.

Artigo 3º. - Suxeito pasivo.

1. Son suxeitos pasivos, en concepto de contribuínte, as persoas físicas ou xurídicas ou as entidades a que se refire o artigo 35.4 da Lei xeral tributaria, que sexan propietarios dos vehículos.

2. Responderán subsidiariamente co suxeito pasivo, os condutores do vehículo que aparezan como causantes da conducta da que deriva a produción do feito imponible, así como as persoas físicas ou xurídicas a que se refiren os artigos 41 e 42 da Lei xeral tributaria.

3. Serán responsables subsidiarios os administradores das sociedades e os síndicos, interventores ou liquidadores de quiebra, concursos, sociedades e as entidades en xeral, nos supostos e co alcance que sinalen os artigos 41 e 43 da Lei xeral tributaria.

Artigo 4º. - Beneficios fiscais.

Non serán aplicables beneficios fiscais, salvo os que poidan establecerse en normas con rango de lei e os derivados da aplicación de tratados internacionais.

Artigo 5º. - Base de gravame.

A cota tributaria determinarase por unha cantidade fixa en función da natureza do servizo prestado.

Artigo 6º. - Tarifas.

Rexerán as seguintes tarifas:

1. Retiradas e traslados ó depósito, por cada vehículo:

1.1 Retirada e traslado ó depósito municipal: 90,15 euros.

1.2 Depósito e custodia do vehículo: 8,66 euros diarios.

Estas tarifas serán tamén de aplicación ós vehículos inmovilizados.

En caso de que o propietario do vehículo se persoe no lugar da retirada antes de que comece o traslado, a tarifa será reducida nun 50 por cento.

Artigo 7º. - Normas complementarias e de xestión.

1. Os dereitos e taxas desta ordenanza son esixibles e plenamente compatibles coas sancións que procedan de acordo co cadro de multas do Código de circulación.

2. Trasladados os vehículos ó depósito, pola dependencia administrativa que corresponda ou polo concesionario do servizo, cursarase comunicación ó titular do vehículo para que antes do último día hábil do mes seguinte a aquel no que reciba a comunicación, se faga cargo do mesmo e aboe o importe das taxas correspondentes, debendo facerse efectivos no momento en que o titular ou persoa interesada se presente a recolle-lo vehículo.

3. A saída de toda clase de vehículos ingresados no depósito, deberase autorizar por quen dispuxo o seu ingreso ou persoa habilitada para elo e unicamente poderán ser entregados ós titulares ou a persoas autorizadas, os cales, en dito momento, autoliquidarán a taxa de acordo coa tarifa contida no artigo 6º. Contra dita liquidación poderanse interpoñer os recursos que en dereito procedan.

4. Transcorrido o prazo ó que se refire o apartado 2 sen que o titular se fixera cargo do vehículo e pagado as taxas, procederase ó cobro das mesmas pola vía de constrinximento administrativo.

5. No acto de finalización e adxudicación do vehículo, practicarase a liquidación definitiva dos débitos á Facenda municipal, acumulando a débeda principal ademais dos gastos de procedemento, ata o momento da adxudicación.

6. Cando os titulares dos vehículos depositados foran descoñecidos, a notificación a que se refire o apartado 2 do presente artigo, practicarase mediante anuncio no Boletín Oficial da Provincia, sendo o seu importe a costa do interesado. O procedemento seguirá a continuación na forma prevista neste precepto.

7. Inmobilización dos vehículos. Cando un vehículo se encontre estacionado de forma antirreglamentaria sen perturbar gravemente a circulación e o seu conductor non estivera presente ou, estando se negara a retiralo, será inmovilizado por medio de cepos ou outros procedementos mecánicos similares para impedir a súa circulación. Tamén procede a inmovilización dos vehículos nos termos previstos nas normas que regulan o estacionamento de vehículos nas vías urbanas.

Os conductores ou propietarios de vehículos inmovilizados conforme ó previsto no párrafo anterior, solicitarán ós axentes municipais a súa posta en circulación, polo cal procederá a ingresar o seu importe de cota prevista no artigo 6º, aplicándose o resto das normas de xestión previstas nesta ordenanza.

Artigo 8º. - Infraccións e sancións.

En todo o relativo á calificación das infraccións cometidas e a súa sanción, estarase ó disposto nos artigos 178 e seguintes da Lei xeral tributaria.

